

**ИЖЕ ВО СВЯТЫХ ОТЦА НАШЕГО АЛЕКСИЯ МИТРОПОЛИТА, ВСЕЯ  
РОССИИ ЧУДОТВОРЦА**

**НА ВЕЛИЦЕЙ ВЕЧЕРНИ,**

**На Господи Возвах, 8 стихиры:**

**Святителя, Глас 5.**

**Подобен: Радуйся:**

**Радуйся,** пречестный архиерею великий, / Алексие преблаженне, / церковный красителю, / святителей честное удобрение, / народу православному молитвою помогая, / земли Российския великое утверждение, / честный учителю наш, / безпомощным помощи, / печальным утешение радостное, / молебниче теплый всем скорбящим, / тьму неразумия отгоняя, / и ко Христу во пристанища тихая притекл еси, / в лице безплотных предстоя, / и красныя доброты Владычни наслаждаешься, / и сердца благочестивых на пение воздвигл еси. / Христу помолися даровати душам нашим / мир и велию милость. **(3)**

**Радуйся,** светило всея Российския митрополии: / ты бо добродетелию светло процвел еси, / яко маслина плодovита в дому Божии, / и, различныя плоды износя, / богато раздаваеши стаду твоему словесному / и на пажитех духовных тучами твоих молитв напояеши, / исцеления независтно источаеши верою / притекающим к раце мощей твоих, / святителю Алексие. / Свещу светлу себе уготовал еси, / и во обителех Небесных вселився, / и трудов твоих воздаяния венцы приял еси, / не дал бо еси сна очима твоима и веждама дремания, / дондеже сном общим уснул еси. / Преподобне святителю, / Христу помолися / даровати душам нашим мир и велию милость. **(3)**

**Радуйся и веселися,** Алексие пресвященный, / благодатный проповедниче, / твердый уме, винограда животнаго / святопрозябший грозд, / вино искапающий, / верных сердца веселящее / учении медоточными, / святопомазанная главо, / честный наш учителю, / прииди, посети нас, / озлобленных греховными страстьми, / поганых дерзость низложи, / противных прожени, / усобныя брани укроти и болезни, / и недуги всякия облегчи, / Христу моляся даровати душам нашим / мир и велию милость. **(2)**

**Слава, Святителя, Глас 6:**

**Святителей** удобрение / и отцев красоту, / источника чудес, / земли Российстей заступника велика, / сошедшеся, о празднолюбцы, / песненными похвалами воспоем, глаголюще: / радуйся, Алексие, твердый уме, / благодатию истинною окроплен. / Отнюдуже и приятелище быв / Пресвятаго Духа, / чудес дар восприял еси. / И ныне, с первосвятители предстоя престолу Христову, / молися о рабех твоих.

**И ныне, Богородичен, Глас 6:**

**К**то Тебе не ублажит, Пресвятая Дево; / кто ли не воспоет Твоего Пречистаго Рождества; / безлетно бо от Отца Возсиявый Сын Единородный, / Тойже от Тебе, Чистыя, пройде, / неизреченно воплощя: / естеством Бог сый, / и естеством быв Человек нас ради, / не во двою лицу Разделяемый, / но во Двою Естеству / неслитно Познаваемый. / Того моли, Чистая, Всеблаженная, / помиловатися душам нашим.

**Таже вход с кадилом. Свете Тихий: Прокимен дня, и 3 чтение Святителя:**

**Притчей чтение (главы 10, 3 и 8):**

**П**амять праведнаго с похвалами, и благословение Господне на главе его. Блажен человек, иже обрете премудрость, и смертен, иже уведет разум. Лучше бо сию куповати, нежели злата и сребра сокровища. Честнейшая же есть камней многоценных, все же честное недостойно ея есть. Долгота бо дней и лета живота в деснице ея, в шуице же ея богатство и слава. От уст ея исходит правда, закон же и милость на языке носит. Послушайте убо мене, о чада, честная бо реку, и блажен человек, иже пути моя сохранит: исходи бо мои, исходи живота, и уготовляется хотение от Господа. Сего ради молю вас и предлагаю мой глас сыновом человеческим, яко аз, премудрость, устроих совет и разум, и смысл аз призвах. Мой совет и утверждение, мой разум, моя же крепость. Аз мене любящая люблю, ищущии же мене обрящут благодать. Разумейте убо, незлобивии, коварство, ненаказанныи же, прилагайте сердца. Послушайте мене и паки, честная бо реку, и отверзу от устен правая, яко истине поучится гортань мой, мерзки же предо мною устны лживыя. С правдою вси глаголы уст моих: ничтоже в них стропотно, ниже развращенно. Вся права суть разумевающим и проста обретающим разум. Научаю бо вас истине, да будет о Господе надежда ваша, и исполнитесь Духа.

**Притчей чтение (главы 10 и 11):**

**У**ста праведнаго каплют премудрость, язык же неправеднаго погибнет. Устне мужей праведных каплют благодати, уста же нечестивых развращаются. Мерила льстивая — мерзость пред Господем, вес же праведный приятен Ему. Идеже аще внидет досаждение, тамо и безчестие, уста же смиренных поучаются премудрости. Совершение правых наставит их, и поползновение отрицающихся упасет их. Не пользуют имена в день ярости, правда же избавит от смерти. Умер праведный, остави раскаяние, наручна же бывает и посмеятельна нечестивых пагуба. Правда непорочнаго исправляет пути, в нечестие же падает неправда. Правда мужей правых избавит их, безсоветием же пленяются беззаконнии. Скончавшуся мужу праведну, не погибнет надежда, похвала же нечестивых погибнет. Праведник от лова убежит, вместо же его предается нечестивый. Во устех нечестивых сеть гражданам, чувство же праведных благопоспешное. Во благих праведных исправится град, и в погибели нечестивых радование. Во

благословении правых возвысится град, усты же нечестивых раскопается. Ругается гражданином лишенный разума, муж же мудрый безмолвие водит.

### **Премудрости Соломони чтение (глава 4):**

**П**раведник аще постигнет скончаться, в покои будет. Старость бо честна не многолетна, ниже в числе лет исчитается, седина же есть мудрость человеком, и возраст старости — житие нескверное. Благоугоден Богу быв, возлюблен бысть и живой посреде грешник преставлен бысть. Восхищен бысть, да не злоба изменит разума его, или лесь прельстит душу его. Рачение бо злобы помрачает добрая и парение похоти пременяет ум незлобив. Скончався в мале, исполни лета долга, угодна бо бе Господеви душа его, сего ради потщася от среды лукавствия. Люди же видевшие, и не разумевшие, ниже положше в помышлении таковое, яко благодать и милость в преподобных Его и посещение во избранных Его.

### **На стиховне стихиры святителя.:**

#### **Глас 2.**

#### **Подобен: Дому Евфрафов:**

**Д**ом Святаго Духа / и вселение благодати Алексий явися: / и ныне, в память его / сошедшеся, / того воспоем.

**Стих: Честна пред Господом смерть преподобных Его.**

**Т**ы еси святителем похвала, / священником удобрение, / монахом правило, / и мы ти вопием, / святителю Алексие: / радуйся, Церкви утверждение.

**Стих: Что воздам Господеви о всех, яже воздаде ми.**

**П**риими ныне пение / чад твоих, / отче, верую празднующих, / и любящим тя подавай / яже на пользу прошения.

### **Слава, святителя, глас 6. Самогласен:**

**Б**лагий рабе, / верный делателю винограда Христова, / ты и тяготу дневную понесл еси, / ты и данный ти талант возрастил еси / и по тебе пришедшим не завидел еси. / Темже врата Небесная отверзошася тебе: / вниди в радость Господа твоего / и моли о нас, / святе Алексие.

### **И ныне, Богородичен, глас 6:**

**Т**ворец и Избавитель мой, Пречистая, / Христос Господь, / из Твоих ложесн прошед, / в мя оболкийся, / первыя клятвы Адама свободи. / Темже Ти, Всечистая, / яко Божии Матери же и Деве воистинну, / вопием немолчно: / радуйся Ангельски, / радуйся, Владычице, / Предстательство и Покрове / и Спасение душ наших.

### **Тропарь, Святителя, Глас 8:**

**Я**ко апостолом сопрестольна, и врача предобра, / и служителя благоприятна, к раце твоей честней притекающе, / святителю Алексие, Богомудре чудотворче, / сошедшеся, любовьию в память твою светло празднуем, / в песнях и пениих радующеся и Христа славяще, / такуюю благодать тебе даровавшего исцелений / и граду твоему великое утверждение.

### **И ныне, Богородичен, глас 8:**

**И**же нас ради Рождейся от Девы, / и распятие претерпев, Благий, / испровергий смертью смерть, и Воскресение явлей, яко Бог, / не презри, яже создал еси рукою Твоею, / яви человеколюбие Твое, Милостиве, / прими Рождшую Тя Богородицу, молящуюся за ны, / и спаси, Спасе наш, люди отчаянныя.

## **НА УТРЕНИ,**

### **На Бог Господь,**

#### **Тропарь, Святителя (2), Глас 8:**

**Я**ко апостолом сопрестольна, и врача предобра, / и служителя благоприятна, к раце твоей честней притекающе, / святителю Алексие, Богомудре чудотворче, / сошедшеся, любовьию в память твою светло празднуем, / в песнях и пениих радующеся и Христа славяще, / таковую благодать тебе даровавшего исцелений / и граду твоему великое утверждение.

#### **Слава и ныне, Богородичен, глас 8:**

**И**же нас ради Рождейся от Девы, / и распятие претерпев, Благий, / испровергий смертью смерть, и Воскресение явлей, яко Бог, / не презри, яже создал еси рукою Твоею, / яви человеколюбие Твое, Милостиве, / прими Рождшую Тя Богородицу, молящуюся за ны, / и спаси, Спасе наш, люди отчаянныя.

#### **По 1-м стихословии Седален, глас 8**

**Н**аста светоносный день: чудотворца, архиепископа Алексия память, приидите, сошедшеся, празднуем светло и составим лики, похвалами почтим его и рцем ему: радуйся, честный светильниче Российския земли, источаеши бо чудеса, и изливавши исцеления, и молишися о душах наших.

#### **Слава и ныне, Тойже:**

#### **По 2-м стихословии Седален, глас 4**

**П**риидите, торжествуем светло, празднующий память иерарха, Алексия чудотворца, преставися бо от земли к невещественным обителем, идеже зрит доброту неизреченную, Ангельским воинством собеседник явлься, Темже со апостолы и мученики ликуя, отче наш, Алексие преподобне, прилежно молися Владыце Христу о чтущих верою память твою.

#### **Слава и ныне, Тойже:**

#### **Полиелей святителя: и по полиелеи, Седален глас 8:**

#### **Подобен: Премудрости:**

**П**роповедует, отче, / твоя чудеса ныне Российская митрополия / и вся отечества и страны чудодействия, / имиже вся от болезней скорбных избавляеши, / Богоблаженне Алексие, / питателю вдов и сирот отец, / помощник сущим в скорби всеизряден, / плачущим утешение, / пастырь и наставник всем заблуждающим, / Алексие преподобне. / И нас твоими молитвами / от бед избави

и молися Христу Богу, / да грехов оставление подаст верою и любовью / чтущим святую память твою.

### **Слава и ныне, Богородичен:**

**Радуйся,** Ангелом радость мира приемшая; / радуйся, рождающая Творца Твоего и Господа; / радуйся, сподобляющаяся быти Мати Божия.

### **Степенна, глас 4. Антифон 1-й, ихже стихи повторяюще поем:**

**От** юности моя / мнози борют мя страсти, / но Сам мя заступи, / и спаси Спасе мой.

**Ненавидящий** Сиона, / посрамится от Господа, / яко трава бо огнем / будете изсохше.

**Слава и ныне:** / Святым Духом / всяка душа живится, / и чистотою возвышается, / светлеется Троическим Единством священнотайне.

### **Прокимен, глас 7:**

**Прокимен:** Честна пред Господом смерть \* преподобных Его.

**Стих:** Что воздам Господеву о всех, яже воздаде ми?

### **Евангелие от Иоанна, зачало 36.**

**Рече** Господь Своим учеником: **А**зъ есмь двѣрь: мною ѿце кто внидетъ, спсѣтсѧ, и внидетъ и изыдетъ, и пажить ѡбръщеть. **Т**ать не приходитъ, развѣ да оукрадетъ и оубіетъ и погубитъ: азъ прїидохъ, да животъ имѣтъ и лишше имѣтъ. **А**зъ есмь пастырь добрый: пастырь добрый дѣшъ свою полагаѣтъ за овецъ: а наемникъ, иже нѣсть пастырь, емже не сѣтъ овецъ своихъ, видитъ волка грядѣща и оставлѣетъ овецъ и бѣгаетъ, и волкъ расхититъ ихъ и распѣдитъ овецъ: а наемникъ бѣжитъ, ѿкъ наемникъ естъ и нерадитъ ѡ овцѣхъ. **А**зъ есмь пастырь добрый: и знаю моѧ, и знаютъ мѧ моѧ: ѿкоже знаетъ мѧ оцъ, и азъ знаю оца: и дѣшъ мою полагаю за овецъ. **И** ны овецъ имамъ, иже не сѣтъ ѿ двора сегѡ, и тыѧ ми подобѣетъ привести: и гласъ мой оуслышатъ, и вѣдетъ единое стадо (и) единъ пастырь.

### **По 50-м псалме стихира, глас 6:**

**Благий** рабе, / верный делателю винограда Христова, / ты и тяготу дневную понесл еси, / ты и данный ти талант возрастил еси / и по тебе пришедшим не завидел еси. / Темже врата Небесная отверзошася тебе: / вниди в радость Господа твоего / и моли о нас, / святе Алексие.

## **Канон святого. Глас 8.**

### **Песнь 1.**

**Ирмос:** Колесницегонителя фараоня погрузи / чудотвори́й иногда / Моисейский жезл, крестообразно поразив / и разделив море, / Израиля же беглеца, пешеходца спасе, / песнь Богови воспевающа.

**Колесницею** благодати Твояе, Господи, возвыси наша помыслы от дольних на Горняя и сподоби восхвалити угодника Твоего, святителя Алексия, песнь Тебе, Богу, воспевающа.

**Колесницею** ходатайств твоих ум наш, отягченный житейскими печальми, возвыси от земных к Небесным и настави восхвалити тя достойно, отче Алексие, песнь победную Богу воспевающа.

**Колесницу** гордости мира сего превозшел еси смирением, и, взем крест твой, последовал еси Христу добротами, и, во пристанище горняго селения достиг, песнь Богу победную воспеваеши.

**Богородичен:** Колесницею добродетелей, яко Илия огненною, возшел еси на Небо, отонудуже моли Бога низпослати яко милоть благодать Духа, учащую ны песнь победную Богу воспевати.

### **Песнь 3.**

**Ирмос:** Небеснаго круга / Верхотворче Господи, / и Церкви Зиждителю, / Ты мене утверди в любви Твоей, / желаний краю, верных утверждение, / Едине Человеколюбче.

**Небеснаго** круга и всея твари Господь, предведый тя, отче Алексие, будуча пастыря добра, ввери тебе паству словесную, яко Един Человеколюбец.

**Небеснаго** круга возлюбив Творца, постом облегчен, страстей море прешел еси и, на безстрастия верх добродетельми возшед, Бога узрел еси, Единого Человеколюбца.

**Небеснаго** круга на высоту возшед Богоразумием, увидел еси умно тамо неизреченная и приял еси дар чудотворения от Бога Человеколюбца.

**Богородичен:** Небеснаго круга Верхотворца, хотяща родитися из Тебе, Пречистая, возвести Тебе Гавриил: радуйся, Дево, Господь с Тобою, Един Человеколюбец.

#### **Седален святителя, глас 4:**

**Б**лаговонною слова Божияго / пажитию словесную паству Христову / Богоугодно воспитанную, / пастырским Богодуховным / исправления жезлом на правую спасения / стезю путевождив яко добрый пастырь, / удостоился еси нетленну вечныя жизни мзду воспряти / в Горнем Сионе от Пастыреначальника Христа Бога. / Егоже моли, досточудне Алексие, / нам, твоим овцам словесным, / сохранитися от невидимых волков хищных.

#### **Слава, глас 8:**

#### **Подобен: Премудрости:**

**Д**ухом Божественным помазая верх твой священный, / архиерее Алексие, / и сниде на тя благодать богато, / и пребысть, яко миро, / на главе сходящее на браду, браду Аарону, / и сходящая, яко роса аермонская, / и орошающая каплями благодеяний / твоих притекающая к раце мощей твоих / и зовущия тебе усердно: / отче преподобне, моли Христа Бога / грехов оставление даровати / чтущим достойно святую память твою.

#### **И ныне, Богородичен, глас 1:**

**К** Тебе, о Богомати, / молитвенно мы ныне прибегаем / и предстательства Твоего пред сыном Твоим / усердно просим / от греховнаго ловительства сохрани нас / и на путь спасения настави.

#### **Песнь 4.**

**Ирмос: Ты моя крепость, Господи, / Ты моя и сила, / Ты мой Бог, Ты мое радование, / не оставль недра Отча / и нашу нищету посетив. / Тем с пророком Аввакумом зову Ти: / силе Твоей слава, Человеколюбче.**

**Т**ы моя крепость, Господи, Ты моя и сила,— вопия, отче Алексие, приял еси дар телесныя недуги целити и лукавыя духи отгоняти от зовущих Христу: силе Твоей слава, Человеколюбче.

**Т**ы еси светило Российския земли и граду Москве стена нерушима, на враги же победитель, и христоименитым людем во бранех пособник, зовущим Христу силе Твоей слава, Человеколюбче.

**Т**ы Богословил еси Единицу несозданную, в Трех Лицех сущую, несливаему же и нераздельну, воумляя паству твою, отче Алексие, непрестанно звати: силе Твоей слава, Человеколюбче.

**Богородичен: Ты моя крепость еси воистинну и спасение, Богородице, и на Тя надежду мою возложих, спаси мя, Дево Чистая, и укрепи рождшемуся из Тебе звати: силе Твоей слава, Человеколюбче.**

## Песнь 5.

**Ирмос:** Вскую мя отринул еси / от лица Твоего, Свете Незаходимый, / и покрыла мя есть чуждая тьма, окаяннаго? / но обрати мя и к свету заповедей Твоих / пути моя направи, молюся.

Вскую противнии ополчаются на ны, имущия тя крепка поборника? Ты, отче Алексие, дерзость их низложи и воинство наше молитвою твоею страшно им покажи.

Вскую унываем, согнетаемии множеством печалей, имуще скорбных утешителя — святителя Алексия, избавляюща ны от бед и скорбей наших и от враг видимых же и невидимых?

Вскую, отче Алексие, телесныя немощи находят на ны, и беды окружают ны, врача тя имущия в болезнех и утешителя в скорбех? изми убо ны от сих молитвами твоими.

**Богородичен:** Вскую обуревают мя волны страстей, кормчия Христа рождшая, Дево Всенепорочная? Ты Его моли сих исхитити мя и к стези заповедей Его пути моя управити, молюся.

## Песнь 6.

**Ирмос:** Очисти мя, Спасе, / многа бо беззакония моя / и из глубины зол возведи, молюся, / к Тебе бо возопих, и услыши мя, / Боже спасения моего.

Очисти ны, Спасе, от многих грехов наших и болезни отжени молитвами святителя Твоего Алексия, и мир Церквам Твоим подаждь и соединение.

Очисти сердца наша и мысли ходатайствы твоими, отче, и, приим от нас приносимыя тебе молитвы, испроси у Христа обрести нам велию милость.

Очистив сердце твое, отче Алексие, и трость языка твоего изострив Духом, написал еси в сердцах верных слово Богоразумия ученьми твоими.

**Богородичен:** Очищенну Тя Духом, Всенепорочная, Архангел Гавриил познав, зовяще Тебе: радуйся, Дево Марие, падших воззвание и клятвы разрешение.

## Кондак святителя, глас 8.

### Подобен: Взбранной:

Божественнаго и пречестнаго святителя Христова, / новаго чудотворца Алексия, верно вси поюще, людие, любовью да ублажим, / яко пастыря великаго, служителя же и учителя премудра земли Российстей. / Днесь, в память его притекше, радостно возопием песнь Богоносному: / яко имея дерзновение к Богу, многообразных нас избави обстояний, да зовем ти: / радуйся, утверждение граду нашему.

### **Икос:**

Дивнаго и пречестнаго чудотворца видяще чудеса, исцеления подавающа всем, от души с верою притекающим, и Христовы люди невидимо посещающа, и землю Российскую просвещающа, радостно от души вси, вкупе сошедшеся к раце мощей его, слышаще же и видяще чудес множество и источник исцелений неисчерпаемь, чистыми сердцы и просвещенными разумы, яко благоуханно кадило, плоды добродетельны от души приносяще и радующеся, воззовем ему, глаголюще: радуйся, отче, честный наш учителю, яко приял еси трудов твоих воздаяние и в Вышних водворяешися, о нас моля Человеколюбца Бога. Чудес дар приял еси, земли Российстей отец и учитель, и святителем изрядная похвала, и воинству нашему во бранех пособник крепок. Радуйся, святителю Алексие, граду нашему утверждение.

### **Песнь 7.**

**Ирмос:** От Иудеи дошедше, отроцы в Вавилоне иногда, / верою Тройческою пламень пещный попраша, поюще: / отцев Боже, благословен еси.

От Иудеи отроком поревновав, огнепальныя страсти угасил еси, Христу присно поя, блаженне Алексие: отцев Боже, благословен еси.

От Иудеи отроки подражал еси, живущею бо в тебе Духа благодатию просвещеся, воспел еси Христу: отцев Боже, благословен еси.

От Иудеи отроком ревнуем, видяще мощи твоя чудоточащая, любовию распяеми, Христу зовем: отцев Боже, благословен еси.

**Богородичен:** От Иудеи отроцы Твое преобразиша Рождество, Дево Всечистая, огонь бо в пещи не опали их, поющих: отцев Боже, благословен еси.

### **Песнь 8.**

**Ирмос:** Царя Небеснаго, / Егоже поют вси Ангельстии, / хвалите и превозносите во вся веки.

Царя Небеснаго хвалити учил еси паству твою, зовый: пойте и превозносите Христа во веки.

Царя Небеснаго умоли о нас, чадах твоих, радостно поющих и превозносящих Его во веки.

Царю Небесному предстоя, паству твою назирай, поющую и превозносящую Христа во веки.

**Богородичен:** Царя Небеснаго родила еси, Дево, Егоже Ангели поют и превозносят во вся веки.

## **Песнь 9.**

**Ирмос:** Воистинну Богородицу, / Тя исповедуем, / спасеннии Тобою, Дево Чистая, / с Безплотными лики Тя величающе.

Воистинну свет миру явился еси, светящ добродетельми, и пастырь изряден твоего стада был еси, Христа величающа.

Воистинну вемы тя, отче, чудотворца велика, точаща многа чудеса верно к тебе приходящим и Христа величающим.

Воистинну светло память празднуют святителя Алексия архиереи, и священницы, монаси и вси людие, Христа Бога величающе.

**Богородичен:** Воистинну Ты еси христианом спасение: Христа бо родила еси, спасающаго ны, Деву Чисту Тя величающия.

### **Светилен святителя.**

Благодать Святаго Духа, всельшаяся в тя, святителя тя показа, Христос же ти вручи паству Свою паствити на пажитех духовных, Егоже ради потщался еси наставляти люди, и ныне на Небесех, радуяся, живещи.

### **Слава, и ныне, Богородичен:**

Радуяся, Богородице Дево, / Владычице Державная, / Светодавца Христа миру Рождшая; / радуйся, похвало всея вселенныя; / радуйся, Пречистая Мати Божия Благословенная.

### **Стихиры на хвалитех, глас 8:**

#### **Подобен: Что вы наречем:**

Что ты наречем, святителю Алексие? / Звезду, озаряющую поднебесная, / мира красование всечестное, / сего лучами озаряюща велении благоверия и ереси / тьму отгоняюща. / Моли, преподобне, от тли и бед избавитися / верою творящим память твою.

Что ты наречем, преподобне святителю Алексие? / Реку, изливающу исцеления независтно всем, / верою приходящим, источник, / источающ учений медоточных, / во вся концы простирающ / и верныя просвещающ. Молися, / преподобне, спастися душам нашим.

Что ты ныне наречем, святителю Алексие, / предивный чудотворче? / врача разумна и безмездна, / исцелевающа всяку язю душевную и телесную, / Безплотным равночестна. Молися, / преподобне, спастися душам нашим.

#### **Глас 6:**

Человече Божий и верный рабе, / слуго Господень, / мужу желаний, / сосуде избранный, / столпе и утверждение Церкви, / Царствия наследниче, / не премолчи,

вопия за ны ко Господу.

**Слава, и ныне, Святителя, глас 6:**

Святителей удобрение / и отцев красоту, / источника чудес, / земли  
Российстей заступника велика, / сошедшеся, о празднлюбцы, / песненными  
похвалами воспоем, глаголюще: / радуйся, Алексие, твердый уме, / благодатию  
истинною окроплен. / Отнюдуже и приятелище быв Пресвятаго Духа, / чудес дар  
восприял еси. / И ныне, с первосвятители предстоя престолу Христову, / молися о  
рабех твоих.

## НА ЛИТУРГИИ

1. **Небеснаго круга и всея твари Господь, предведый тя, отче Алексие, будуща пастыря добра, ввери тебе паству словесную, яко Един Человеколюбец.**
2. **Небеснаго круга возлюбив Творца, постом облегчен, страстей море прешел еси и, на безстрастия верх добродетельми возшед, Бога узрел еси, Единого Человеколюбца.**
3. **Небеснаго круга на высоту возшед Богоразумием, увидел еси умно тамо неизреченная и приял еси дар чудотворения от Бога Человеколюбца.**
4. **Очисти ны, Спасе, от многих грехов наших и болезни отжени молитвами святителя Твоего Алексия, и мир Церквам Твоим подаждь и соединение.**
5. **Очисти сердца наша и мысли ходатайствы твоими, отче, и, приим от нас приносимыя тебе молитвы, испроси у Христа обрести нам велию милость.**
6. **Очистив сердце твое, отче Алексие, и трость языка твоего изострив Духом, написал еси в сердцах верных слово Богоразумия ученьми твоими.**

### Тропарь, Святителя, Глас 8:

**Яко** апостолом сопрестольна, и врача предобра, / и служителя благоприятна, к раце твоей честней притекающе, / святителю Алексие, Богомудре чудотворче, / сошедшеся, любовью в память твою светло празднуем, / в песнях и пениих радуящиеся и Христа славяще, / таковую благодать тебе даровавшаго исцелений / и граду твоему великое утверждение.

### Кондак святителя, глас 8.

**Божественнаго и пречестнаго святителя Христова, / новаго чудотворца Алексия, верно вси поюще, людие, любовью да ублажим, / яко пастыря великаго, служителя же и учителя премудра земли Российстей. / Днесь, в память его притекше, радостно возопием песнь Богоносному: / яко имея дерзновение к Богу, многообразных нас избави обстояний, да зовем ти: / радуйся, утверждение граду нашему.**

### Прокимен, глас 7:

**Прокимен : Возвеселѣтсѧ прѣвѣникъ ѡ гдѣ и оуповаѣтъ на него̀.**

**Стих: Оу̀слыши, бже, гласъ мой, ввсегда̀ моли́тимисѧ къ тебѣ̀.**

### Апостол к Евреям, зачало 335.

**Брѣтїе:** Повинѣйтесь наставникѣмъ вашимъ и покарѣйтесь: тїи бо вѣдѣтъ ѡ дѣшѣхъ вашихъ, ѡкъ слово воздати хотѣще: да съ радостїю сїе творѣтъ, а не воздыхающе, нѣсть бо полѣзно вамъ сїе. **Молїтесѣ** ѡ насъ: ѡповѣемъ бо, ѡкъ добрѣ совѣсть имамы, во всѣхъ добрѣ хотѣще жити. **Лишше** же молю, сїе творїте, да вскорѣ ѡустрѣбѣмъ вамъ. **Бгѣ** же міра, возведыи изъ мѣртвыхъ пастыра овецѣмъ великаго кровїю завета вѣчнаго, гда нашего їиса хрїта, да совершитъ вы во всѣхъ дѣлѣхъ бжѣ, сотворити волю егѡ, творѣ въ васъ благогѡдное предъ нимъ їисъ хрїтомъ: емѣже слава во вѣки вѣковъ. **Аминь.**

**Аллилуїя, глас 4:** Сщеницы твои ѡблекѣтсѣ правдою, и прѣвнїи твои возрадѡются.

**Стих:** ѡкъ избрѣ гдѣ сїѡна, избѡли и въ жилище севѣ.

### Евангелие Луки, зачало 24:

**Во** время оно, ста **Иисус** на мѣстѣхъ равнѣхъ: и народъ ѡучникъ егѡ, и множество много людїи ѡ всеѣхъ іудѣи и іерѣїима, и помѡрїа турска и сїдонска, иже прїидѡша послѣшати егѡ и изцѣлїтисѣ ѡ недѡгъ своихъ, и страждущїи ѡ дѣхъ нечїстыхъ: и изцѣлѣхсѣ. **И** весь народъ искаше прикасѣтисѣ емѣ: ѡкъ сила ѡ негѡ исхождаше и изцѣлѣше всѣ. **И** той возведъ очи свои на ѡучникїи свои, глаше: бжени нїцїи дѣхомъ: ѡкъ ваше ѣсть црїтвїе бжїе. **Бжени,** ѡчущїи нѣхъ: ѡкъ насытитесѣ. **Бжени,** плачущїи нѣхъ: ѡкъ возсѣетесѣ. **Бжени,** ѡчущїи нѣхъ: ѡкъ насытитесѣ. **Бжени,** плачущїи нѣхъ: ѡкъ возсѣетесѣ. **Бжени** вѣдете, егда возненавидѣтъ васъ челоѣцы, и егда раздѣчатъ вы и понѡсѣтъ, и пронесѣтъ ѡма ваше ѡкъ зло, сїа чївѣческаго ради. **Возрадѣйтесь** въ той дѣнь и възгратїте: сѣ бо, мзда ваша много на нѣсїи. **По** сїи бо творѣхъ пррѡкѣмъ ѡтцы ихъ.

**Причастен:** Въ пѣмѣть вѣчнѡю вѣдетъ прѣвникъ, ѡ слѡха зла не ѡубѡйтсѣ: